

Guangjisi Minzcu Bau

ganhhau: CN45-0036 B.2018 Nd.5 Ng.30 liggaueq fouhswt nienz ndwenseiq cibroek

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3326期

Namzningz Baizyienj Heiqfoux 《Louz Samcej》 Fatyiengz Gij Conzdungj Vwnzva Bouxcuengh

南宁排演舞剧《刘三姐》 弘扬壮族传统文化

Ndwen 5 ngoenz 24, Namzningz Si banh ciepcoux Guengsae Bouxcuengh Swcigih laebbaenz 60 hopbi vwnzva vwnzyi cingbinj hanghmoeg—heiqfoux 《Louz Samcej》 haibaiz yizsi. Bouh heiq neix youz Cunghung Namzningz Siveij Senhconzbu、Namzningz Si Vwnzva Sinhvnz Cuzbanj Gvangjdengiz dungcouz hengzguh, Namzningz Si Yisuz Heiqyienh cau—guh baizyienj, dajveh bineix ndwen 9 youq aen heiqyienh Guengsae Vwnzva Yisuz Cungsime yienj baez nduj, soengqlaex hawj Swcigih laebbaenz 60 hopbi.

Bouh heiq neix baengh gij lizsij swhliu caeuq vunzlai giekdaej naekna Louz Samcej, yungh gij minzcu vwnzva Guengsae gyaundeih guh daej, baez nduj yungh gij hingzik heiqfoux dawz gij vwnzva “sienfwen Bouxcuengh Louz Samcej” Guengsae buen hwnj daizheiq, cungfaen langhbaiz gij yinxdaez ciengqgo diuqfoux Bouxcuengh, hawj vunzlai daj gij yisuz daizheiq dauqungz roxnaj gij dungx—caiz、gaenx guh、maenh’ak “Louz Samcej”, roxnyinh gij gyaciz rongh—lwenq “caen、sienh、gyaeu”.

Baez neix, heiqfoux 《Louz Sam—

cej》 yaek baez nduj doenggvaq gij hingzik diuqfoux dauqungz yienj gij gojgaeq Louz Samcej gingdiemj, hawj gij gojgaeq gaeuqgeq fatok gij rengz—hoengh seizdaih moq. Bouh heiq neix yaek yungz haeuq fouxcaemzgvej、fouxanneyenz、dwklongj Bouxcuengh daengj daegsaek diuqfoux Bouxcuengh caeuq fwen yienghnduj, giethab gij gisuz mejsuz daizheiq gohgi sang, dawz gij gingisaek byaraemx Guengjsae gyaundeih yienh okdaej, hawj bouxyawj cungfaen roxyiuj ciengz yisuz ngaizhoengh saenqdaenh he.

(Vuj Cenb)

Lungzswng: Vwnzyi Cunzyienj Soengq Cwngcwz Niemh Aencingz Dangi

龙胜：文艺巡演送政策念党恩

贯彻党的十九大精神



Ndwen 5 ngoenz 24 banhaemh, Lungzswng Gak Cuz Swciyen Gyanghdij Yangh cujci doihyienjheiq bae daengz Veizswj Cunh aen yangh neix haiguh aen hozdung vwnzyi cunzyienj hagsib senhconz gvancez gij cingsaenz Cibgouj Daih dangj, hozdung cawjdaez dwg “vut gungz gunggeng haeuq siujganh aencingz dangj ciengxlwenx mbouj lumz”, doenggvaq vwnzyi yienjok、banggungz cwngcwz cihisiz ciengjap daengj gij hingzik vunzlai haengj dingq gyaex yawj haenx, senhconz bang—gungz cwngcwz caeuq gij saehsaed vunz okhingz youq mwh guhhong vut gungz gung—geng, ndaej daengz vunzlai haenh. Ndaw doz dwg bouxyienj cingq biujiyenj cezmuz.

(Vuz Swngbhin/吴生斌
Danz Suhlij/谭苏侣)

Siengcough Yen Ndwen Senhconz Minzcu Doxgiet Cinbu Cingzeik Yienhda

象州县民族团结进步宣传月成效显著

Ndwen 4 ngoenz 12 daengz ndwen 5 ngoenz 12, Siengcough Yen yungh ndwen ndeu, comz haiguh aen hozdung senhconz minzcu doxgiet cinbu, aeundaej cingzeik yienhda.

It dwg senhconz hozdung neiyungz fungfouq hingzik lai yiengh. Ndwen hozdung geizgan, gak yanghcin、yenciz ghgvanh danhvei youq bakroen cujyau、bakdou danhvei caeuq cungsime gvancangz yungh Cuengh Gun song cungj saw venj nem boqcuengq 100 lai diuz senhconz byauhyij mizgven minzcu doxgiet、minzcu cwngcwz, ringxdoengh boqok senhconz byauhyij 3000 diuz(baez), guh senhconz banjbau 50 lai gep, fat senhconz

swhliu 8000 lai cek(faenh), youq gak cungsime gvancangz、segi banh vwnzyi vanjvei 30 lai ciengz, vunzlai gak cuz gaenxmaenx caeuqfaenh, ndaej vunzlai haenh.

Ngeih dwg senhconz haeuq hagdangz hozdung cingzeik yienhda. Siengcough Yen Cunghyoz、Daihngieih Cunghyoz song aen gauhcungh hopheux aen cawjdaez “swnjcienz Cungh—vaz vwnzva roxyiuj rengzhoengh Mbanjcuengh” faenbied banh ndawhag ingjsiengq doxdax、ndawhag raiz faenzcieng doxdax; Yen Minzcu Cunghyoz、Yin’gyangh Cin Cunghyoz daengj 13 aen cogaep cunghyoz faenbied haiguh diuq fouxsaux、ringx

gengxdiet、bau aendomq daengj conzdungj diyzuz doxdax hozdung, swnjcienz minzcu vwnzva daj lwgnyez guh hwnj.

Sam dwg ndwen hozdung ndaej vunzlai haenh. Gak danhvei gak bouhmonz cungj dawz minzcu doxgiet senhconz gyauiyuz hozdung yungz daengz cauhaeb gij lijyouz binjbaiz “sam nyied sam Bouxcuengh”、bang—gungz gunggeng hozdung、lajmbanj gyaundeih hozdung、vih beksingq banh saedsaeh daengj hong bae, ndaej daengz gyoengq vunzlai nyinh—hawj caeuq muengh, aeundaej cingzeik ndei.

(Cough Yajyi)

SIUSIK DINJ

简讯

● Ndwen 5 ngoenz 26 banhaemh, Denzyangz Yen Daihcib Siujyoz banh aen vanjvei vwnzyi “roek it” bi 2018, vanjvei cawjdaez dwg “seizseiz dingq vah dangj ciengxlwenx riengz dangj byaij”, daengx hagdangz gak ban hagseng faenbied hwnj daiz biujiyenj vwnzyi cezmuz, mboujdan cungfaen langhbaiz gij dungxcaiz hagseng daengx hagdangz, youh caux ok gij heiqfaenh angqyangz naekgywd ciepcoux ciet lwgnyez “roek it”.

(Vangz Gozsun)

● Vih angqhoh ciet lwgnyez “roek it”, sonyinx bouxcz nyzrauh liz gyaex yungyiemj, liz gyaex famhcoih, hag rox yungh fap henhoh gij gienzleih habfap bonjfaenh, ndwen 5 ngoenz 24, Cingsih Si Yinzminz Fazyen caeuq Si Fulenz bae daengz Lungzbanh Cin Damoz Cunh Siujyoz lienzhah haiguh soengq fap haeuq hagdangz hozdung, caemhcaiq soengq huqlaex caeuq hohfuk ngoenzciety bae hawj gyoengqde.

(Vangz Lihangz)

● Ndwen 5 ngoenz 23, Lingzyinz Yen hainduj aen singhgiz hozdung gohgi daengx guek bi 2018, aen hozdung neix cawjdaez dwg “gohgi cauhoq hawj guek ak minz fouq”, doenggvaq baij banjbau、rag hwnzgfuz、ciepsouh camcaz、soengq cek senhconz swhliu caeuq doxgaiq daengj fuengsik, haenqrengz cienzdoh gohyoz cihisiz. Ciuq gyoepsuenq, ngoenzhaenx gungh fat gak cungj senhconz swhliu caeuq doxgaiq fanh lai cek(gienh).

(Loz Hihhaij)

● Bineix daej, Sihlinz Yen nyinhcaen gvancez doek—saed gij baijbouh iugouz hong cangqheiq banggungz Cungh—yangh、Swcigih caeuq Baksaek Si, cimdoiq lajmbanj vunz gungzhoj “aenvih bingh ngaiz gungz、aenvih bingh dauq gungz” vwndiz, gyalai bued roengz ngaenzcienz, doed ok gyoengqvunz cungdenj、bingh—cungj cungdenj, gyagiengz lajmbanj vunz gungzhoj yihliuz baujgang banhfab, cienzmienh daezswng vunz gungzhoj lai roxnyinh ndaej cangqheiq.

(Cinz Yizfungh)